

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst («Službene novine Zeničko-dobojskog kantona», broj: 7/10), a u vezi sa članovima 41. i 45. Zakona o izvršavanju Budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16), na prijedlog Ministarstva za privredu, Vlada Zeničko-dobojskog kantona na 94. sjednici, održanoj 26.04.2017. godine, d o n o s i

**ZAKLJUČAK**  
**O USVAJANJU PROGRAMA UTROŠKA BUDŽETSKIH SREDSTVA OD KONCESIJA**  
**U 2017. GODINI**  
**(Realizacija projekata Vlade koji se finansiraju iz prihoda od koncesija)**

**I**

Usvaja se Program utroška budžetskih sredstava od koncesija u 2017. godini - Realizacija projekata Vlade koji se finansiraju iz prihoda od koncesija Ministarstva za privredu Zeničko-dobojskog kantona, u iznosu od 238.300,00 (slovima: dvijestotinetridesetosamhiljadatristotine konvertibilnih maraka), koji čini sastavni dio ovog zaključka.

**II**

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16), u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

**III.**

Zaključak stupa na snagu danom donošenja.

Broj: 02-\_\_\_\_\_/17.  
Datum, 26.04.2017. godine  
Zenica

**PREMIJER**

*Miralem Galijašević*

DOSTAVLJENO:

1x Ministarstvo za privredu,  
1x Ministarstvo finansija,  
1x a/a.



**PROGRAM**  
**UTROŠKA BUDŽETSKIH SREDSTAVA OD KONCESIJA**  
**U 2017. GODINI –**  
**(Realizacija projekata Vlade koji se finansiraju iz prihoda od koncesija)**

Zenica, februar 2017. godine

## UVOD

Izrada Programa utroška budžetskih sredstava u 2017. godini - **Realizacija projekata Vlade koji se finansiraju iz prihoda od koncesija**, propisana je članovima 41. i 45. Stav 1. Zakona o izvršavanju Budžeta Zeničko-dobojskog kantona za 2017. godinu ("Službene novine Zeničko-dobojskog kantona", broj: 15/16).

Izvori financijskih sredstava po osnovu koncesionih naknada utvrđeni su koncesionim ugovorima potpisanim između Ministarstva za privredu i pojedinih privrednih subjekata koji realiziraju koncesione projekte istraživanja i eksploatacije čvrstih mineralnih sirovina na području Zeničko-dobojskog kantona.

Raspodjela prihoda od koncesione naknade vrši se prema Odluci Vlade Kantona u omjeru 70% prikupljenih sredstava pripada općinama na čijoj teritoriji se vrši eksploatacija i 30% Kantonu. Upravljanje sredstvima obavljaju Ministarstvo za privredu i općine prema vlastitim programima utroška za svaku godinu.

Ovaj program usaglašen je sa Strategijom razvoja Zeničko-dobojskog kantona za period 2016-2020 godina, te sa nadležnostima Ministarstva za privredu.

## IZVOR FINANSIRANJA

Budžetom Zeničko-dobojskog kantona za 2017. godinu, („Službene novine Zeničko-dobojskog kantona“, broj: 15/16) utvrđena su finansijska sredstva, ekonomski kod 614 100-Tekući transferi drugim nivoima vlasti, odnosno subanalitika IAD002-Realizacija projekata Vlade koje se finansiraju iz prihoda od koncesija, u iznosu od 238.300,00 KM.

## ALOKACIJA SREDSTAVA

Imajući u vidu raspoloživa sredstva, Ministarstvo za privredu je planiralo utrošak utvrđenih sredstava na sljedeći način:

### 1. Sufinansiranje uspostavljanja industrijskih/poslovnih zona

**Iznos: 108.300,00 KM**

#### **Svrha:**

Ministarstvo za privredu je u 2008. godine sačinilo Projekat organizacije poslovnih zona na području Zeničko-dobojskog kantona. U 2009. godini je sufinansirana izrada projektne dokumentacije za šest poslovnih zona, u 2011. godini su započete aktivnosti izgradnje zona.

U tom smislu organizirano je anketiranje općina sa područja Kantona, nakon čega je sačinjeno Uputstvo o postupcima i kriterijima za odobravanje i dodjelu sredstava poticaja namijenjenih subvencioniranju troškova organizacije izgradnje poslovnih zona na području Zeničko-dobojskog kantona. Tokom 2017. godine bit će nastavljeno sufinansiranje izgradnje zona, te aktivnosti na realizaciji pojedinačnih marketing planova.

**Organizacija – primalac:** Općine Zeničko-dobojskog kantona

**Kriterij uspostavljen u :**

- Uputstvu o postupcima i kriterijima za odobravanje i dodjelu sredstava poticaja namijenjenih subvencioniranju troškova organizacije i izgradnje poslovnih zona na području Zeničko-dobojskog kantona,
- Javnom pozivu za korištenje poticaja i
- Odlukama Vlade Kantona.

## **2. Zahtjevi lokalnih zajednica**

**Iznos: 10.000,00 KM**

### **Svrha:**

Odlukom Vlade Zeničko-dobojskog kantona, dio sredstava koje koncesionari uplaćuju kao koncesionu naknadu se transferira prema općinama na čijem teritoriju se vrši eksploatacija, a iz drugog dijela sredstva se potpomaže finansiranje određenih projektata u općinama Kantona. Ti projekti su limitirani uslovom da se radi o zahvatima koji imaju direktnu ili indirektnu vezu sa eksploatacijom mineralnih sirovina od strane privrednih subjekata koji su koncesionari i koji redovno uplaćuju koncesionu naknadu.

Tokom godine, prema zahtjevu pojedinih mjesnih zajednica u općinama, pomaže se realizaciji projekta sanacije puteva i drugih komunalnih objekata koje upotrebljavaju koncesionari. Ovi putevi su devastirani i uništeni kamionskim transportom i teškom mehanizacijom koncesinara, tako da se dio sredstava izdvaja za njihovu adaptaciju i rekonstrukciju.

**Organizacija – primalac:** općine Kantona

**Kriterij:** Odluke Vlade Kantona

## **3. Provođenje postupka nadzora i realizacije koncesionih ugovora**

**Iznos: 20.000,00 KM**

### **Svrha:**

Svi koncesioni ugovori sadrže mogućnost i obavezu kontrole i utvrđivanja eksploatisanih količina mineralnih i drugih resursa.

Posebno značajno je precizno utvrđivanje i sa predstavnicima privrednih subjekata utvrđivanje eksploatisanih mineralnih resursa. Stoga je neophodno povremeno izvršiti geodetska mjerenja kamenoloma, angažmanom ovlaštenih organizacija odabranih Javnim pozivom.

Pored navedenog, dio sredstava će biti upotrebljen za finansiranje nadzora koncesionara putem Komisije za kontrolu koncesionih ugovora i Komisije za utvrđivanje javnog interesa i provođenja postupka dodjele koncesija.

**Organizacija – primalac:** Najpovoljniji ponuđači za provođenje mjerenja i Komisije

**Kriterij:** Elementi utvrđeni Javnim pozivom i Odluke Vlade Kantona

## **4. Finansiranje troškova energetske efikasnosti javnih građevinskih objekata - škola**

**Iznos : 90.000,00 KM**

### **Svrha:**

Ovim programom finansira se dio troškova za povećanje energetske efikasnosti javnih građevinskih objekata - škola.

Realizacija poticaja u iznosu od 90.000,00 KM će se odvijati prema članu 1. stav 1. i stav 3. Odluke Vlade Kantona o odobravanju finansijskih sredstava namijenjenih subvencioniranju troškova energetske efikasnosti javnih građevinskih objekata (škola) na području Zeničko-dobojskog kantona, broj: 02-14-15342/16 od 01.09.2016. godine, te po Protokolu o realizaciji pomenute odluke, broj: 04-14-17270/16 od 31.10.2016. godine, koji je potpisan sa pet direktora škola izabranih po Javnom pozivu.

Sredstva će se isplatiti na žiro - račun Izvođača radova (audita, utopljanja i certifikacije objekata) nakon dostavljenog urednog zahtjeva, na način utvrđen u Uputstvom o postupku i kriterijima, Javnim pozivom, Odlukom Vlade Kantona i Protokolom o realizaciji Odluke Vlade Kantona.

**Organizacija – primalac:** Izvođač radova

**Kriterij:** Uputstvo o postupku i kriterijima, Javni poziv, Odluka Vlade Kantona, Protokol

## 5. Rezerva

**Iznos : 10.000,00 KM**

### Svrha:

Sredstva rezerve se mogu koristiti isključivo za projekte kompatibilne izvoru sredstava.

**Organizacija – primalac:** Korisnik poticaja

**Kriterij:** Odluka Vlade Kantona

## REKAPITULACIJA

| R.br.  | Naziv programa                                                                    | Planirana sredstva<br>/KM/<br>Po ek. kod. 614100 |
|--------|-----------------------------------------------------------------------------------|--------------------------------------------------|
| 1.     | Sufinansiranje uspostavljanja industrijskih/poslovnih zona                        | 108.300,00                                       |
| 2.     | Zahtjevi lokalnih zajednica                                                       | 10.000,00                                        |
| 3.     | Provođenje postupka nadzora i realizacije koncesionih ugovora                     | 20.000,00                                        |
| 4.     | Finansiranje troškova energetske efikasnosti javnih građevinskih objekata - škola | 90.000,00                                        |
| 5.     | Rezerva                                                                           | 10.000,00                                        |
| UKUPNO |                                                                                   | 238.300,00                                       |

Pojedinačni utrošci sredstava, izuzev ranije stvorenih obaveza gdje je to već učinjeno, regulisat će se posebnim aktima, koji će sadržavati kriterije i način trošenja sredstava.

Zbog karaktera projekata dopušteno je prelijevanje sredstava, zavisno od potreba i stepena realizacije pojedinih projekata.

Broj: 02-\_\_\_\_\_/17.

Datum, 26.04.2017. godine

Zenica

**PREMIJER**

*Miralem Galijašević*

DOSTAVLJENO:

1x Ministarstvo za privredu,

1x Ministarstvo finansija,

1x a/a.